

„vel liberos suos exteris Augustanæ Confessionis scholis, aut
 „privatis domi Præceptoribus instruendos committere non
 „prohibeantur, sed eiusmodi Landsassii, Vasalli & Subditi in
 „ceteris officium suum, cum debita erga suos Superiores reve-
 „rentia adimpleant, nullisque Turbationibus ansam præ-
 „beant. *Ibid. p. 128.*

Recedunt.

§. XIV. Sed præter opinionem retraxere pedem in Pro-
 iecto m. Ian. Anni 1648. Evangelicis tradito, omisso plane in-
 tegro hoc paragrapho; *l. c. p. 156.* attamen ad ulteriorem horum
 instantiam res denique ita fuit composita, prout superius con-
 ceptis Instrumenti Pacis verbis retulimus. Neque vero quis-
 quam existimet, hæc otiose satis a me tam prolixè enarrari, & in-
 servire ea tantum implendæ chartæ; etenim, quantum ex Histo-
 ria cum Legum Imperii nostri publicarum in univèrsam, tum hu-
 ius etiam Legis pendeat, perspiciemus ex sequentibus.

Differen-
 tia inter-
 cedit inter
 Exerci-
 tium Re-
 ligionis
 privatum
 atque do-
 mesticum.

§. XV. Hactenus dicta si iam convertamus in succum &
 sanguinem, apparet omnium primo, non a solis Iuris publici
 Doctoribus inventam esse distinctionem inter *Exercitium Reli-
 gionis privatum atque domesticum*, sed in ipsis Imperii Legibus
 fundamentalibus radicatum deprehendi. Equidem videtur,
 quod Status Evangelici ab initio duas tantum constituerint cul-
 tus religiosi species, Exercitium puta publicum atque priva-
 tum; (§. 4.) cum vero Catholici iis subditis, qui neque pactis,
 neque observantia Anni decretorii erant muniti, ne privatam
 quidem exercitium vellent concedere, neque spes superesset,
 eos in aliam concessuros esse sententiam, tum demum necessi-
 tate, matre novarum inventionum admodum fœcunda, eo vi-
 dentur fuisse adacti, ut de tertia specie cogitarent, puta dome-
 stica; hanc enim non ita nominabant quidem, at per partes
 eundo describebant, & a cultu Dei privato aperte distingue-
 bant. (§. 5.) Et licet post hæc subinde privatam Exercitium
 cum domestico confundi, certe utraque species a se invicem
 non curate satis distingui videatur, in ultimis tamen *Proiectis*
 æque ac in ipso Instrumenti Pacis textu evidenter tres iterum
 constituuntur Religionis Exercitii classes: etenim fit mentio
 1) eorum, qui A. 1624. publicum Religionis exercitium obti-
 nuerunt, 2) eorum, qui privato, & denique 3) eorum, qui
 neutro